

17.04.2023 18:23



Հարգելի ընթերցող, փաստաբանների շրջանում շարունակվում է բլից հարցազրույցների շարքը: Այս անգամ փորձել ենք բացահայտել Հանրային պաշտպանի գրասենյակի ղեկավարի տեղակալ, փաստաբան **Թամարա Բաղդասարյանին**:

**1. Մեկ նախադասությամբ բնութագրեք ինքներդ Ձեզ**

Մի քիչ դժվար է, բայց երևի պատասխանատու, պարտաճանաչ և ինքս իմ հանդեպ խստապահանջ: Մի բան անելիս պետք է անեմ շատ լավ:

**2. Ի՞նչ կփոխեիր Ձեր կյանքում**

Կշնջեի պատերազմը

**3. Կյանքը հրաշալի է, երբ ...**

Հարազատներդ առողջ են ու դու լուրջ մտահոգվելու պատճառ չունես

**4. Ո՞րն է եղել Ձեր կյանքի ամենասխալ որոշումը**

Դժվարանում եմ պատասխանել : (խորհեց երկար)

**5. Քչերը գիտեն, որ Դու...**

Այնքան էլ խիստ չեմ

**6. Սովորություն, որից փորձում եք ձերբազատվել**

Ամեն գնով ամեն ինչ հասցնելը

**7. Հիմնականում ինչպե՞ս և քանի՞ օրում եք ծախսում Ձեր աշխատավարձը**

Շատ արագ, առավելագույնը 5-10 օրում

**8. Քամարա Բաղդասարյանը տարբերվում է տանը  
և աշխատանքում**

Այո, տանը ես մայր եմ, տնային տնտեսուհի,  
աշխատավայրում՝ փաստաբան

**9. Արդյո՞ք այսօրվա Քամարա Բաղդասարյանը լավ  
օրինակ կարող էր լինել 18 տարեկան Քամարա  
Բաղդասարյանի համար**

Կարծում եմ՝ այո:

Ըստ իս, իմ նախագծած նպատակներին գրեթե  
հասել եմ

**10. Ինչպե՞ս եք վարվում զայրույթի պահին**

Անկեղծ ասած, հիմա փորձում եմ զայրույթս զսպել և  
պատճառներին մի փոքր ուշ անդրադառնալ, բայց  
դա փորձում եմ, իսկ հիմնականում զայրույթի պահին  
կարող եմ անցնել բարձր տոների և փորձել  
ապացուցել իմ ճիշտ լինելը

**11. Սու՞րճ, թե՞ թեյ**

Դառը սև սուրճ

**12. Նախընտրում եք ակտիվ, թե՞ պասիվ հանգիստ**

Ակտիվ հանգիստ ծովում: Ինձ համար հանգիստը  
ասոցացվում է ջրի հետ

**13. Եթե Ձեր մասին ֆիլմ նկարահանվեր, ինչպե՞ս  
կկոչվեր այն**

Վերնագիրը կլիներ այսպես. «Կինն ամեն ինչ կարող  
է միաժամանակ հասցնել»

**14. Ինչպե՞ս եք թրթափում հոգնածությունը երկար  
տևած դատական նիստից հետո**

Եթե նիստի արդյունքն ինձ գոհացնում է չեմ  
հոգնում, հակառակ դեպքում ուղղակի մեկ բաժակ  
սուրճ է պետք

**15. Ի՞նչն է փաստաբանին վստահելի դարձնում**

Աշխատանքն ու ջանքերը, որը տեսնում է վստահորդը

**16. Ընտրեցիք իրավաբանի մասնագիտությունը հենց փաստաբան լինելու համար, թե՞...**

Չէ, իսկզբանե դատախազ դառնալու միտումով ընտրեցի, իսկ փաստաբան դառնալ ստիպեց ընկերուհիներիցս մեկը

**17. Ինչպիսի՞ն պիտի լինի և չլինի փաստաբանը**

Փաստաբանը չպետք է վերածվի վստահորդի կամակատարի և պետք է լինի իր գործին տիրապետող իրավաբան

**18. Փաստաբանի լավագույն գովազդը...**

Վստահորդների գոհունակությունն ու հոգուտ նրանց կայացված ակտերը

**19. Ո՞րն է եղել Ձեր կողմից իրականացված ամենադժվար պաշտպանությունը, ի՞նչ հանցանքում էր կասկածվում Ձեր վստահորդը**

Հոգեբանորեն ծանր դեպքեր շատ են եղել և լինում, բայց մի սպանության դեպք կար, ես սպանության մեջ կասկածվողի պաշտպանն էի և այնքան ազդված էի իրավիճակից, որ մինչ օրս զգացողություններս հիշում եմ:

**20. Մեր բլից հարցերին պատասխանելու համար ու՞մ եք նետում մարտահրավերը**

Փաստաբան Ռուզաննա Սիրեկանյանին



```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```